




Duvha le Ndivho a thomâ tshikolo

Tshivenda

Maxwell N Mamathuba



Duvha le Ndivho a thoma tshikolo

Yo nwalwa nga Maxwell N Mamathuba
Mufanyisi Ntibile Zonke



NYELETSHEDZO KHA VHADEDEDZI NA VHABEBI

1. Bugu hei yo lugela vhana vha miñwaha ya u (bva) thoma **7** u swika **9**.
2. Hei bugu hei i na maipfi a **1 234**. Kha vha nange maipfi vha ite garaṭa dza u vhala nga mabogisi kana mabambiri a kale.
3. Vha shumise garaṭa idzo u ita uri vhana vha vhalele nṭha.
4. Kha vha shumise founu, kana watshi, kana tshikala-tshifhinga u vhala maipfi ane ñwana a kona u vhala nga munithi muthihi. Kha vha zwi ñwale fhasi, vha zwi sedze vhege inwe na inwe u vbona arali tshivhalo tsha maipfi ane ñwana a vhala nga munithi tshi tshi khou engedzea.
5. Kha vha humbele ñwana a vhalele nṭha tshipida, vha mu vhudzise uri a ṭalutshedze mafhungo a re kha tshipida itsho.
6. Kha vha shumise zwi re kha mafhungo u vhudzisa zwi no khou bvelela kha bugu iyo.



Ndivho u khou ya u thoma u dzhena tshikolo nga Musumbuluwo.

U do dzhena Dzingahe Phuraimari, hune Thanyani mukomana wawe a dzhena hone.

Nga Swondaha ha ngo tavhanya u edela nga dakalo.

O paka penisela na khirayoni begeni yawe naho Thanyani o ri a zwi nga todei.

Ndavhelelo yawe ya divha li tevhelaho yo vha i khulu vhukuma.



Nga Musumbuluwo nga matsheloni, Ndivho o ṭavhanya u vuwa u fhira mañwe maḍuvha.

O ri u fhedza u ṭamba a ambara yunifomo a la zwiliwa zwa matsheloni nga u ṭavhanya.

Mme awe vho ri vha ḍo vha isa tshikoloni ngauri ndi ḍuvha laawe la u thoma.

Nga mañwe maḍuvha u ḍo tuwa nga golo i no hwala Thanyani na vhañwe vhana.

Ndivho o vhona u nga Thanyani u khou vha lengisa u dzhena ndilani ya u ya tshikoloni.

Ndi zwone zwe a vhidzelela ngazwo,
“Thanyani idani-ha ri tuwe ri sa ḍo lenga.”



Nangoho vho mbo ɔ̣ dzhena goloini ya mme
avho uri vha vha ise tshikoloni.

Musi vhe nɔ̣ilani Nɔ̣divho o vha a khou zuwa uri
u ɔ̣ ɔ̣i-phina nga maanda tshikoloni.

Thanyani o mu vhudza uri a songo hangwa uri
tshikolo a tshi fani na Khireshe.

Hu na milayo yo vhwaho, ine arali muthu a i
pfuka u a dzhielwa vhukando.

Hezwi zwo ɔ̣ɔ̣dou ita uri a tshuwe nyana,
fhedzi mme awe vha mu khwaɔ̣hisa.

“Zwaɔ̣u Nɔ̣divho, ni songo vhilaela, ni ɔ̣ vhuya
no wana khonani ntswa.”



Hu si kale vha mbo vha vho swika getheni la tshikolo tsha Dzingahe.

“Thanyani, matsina tshikolo tshanu a tshi ho kule nga maanda.” Ndi Ndivho a no ralo.

A vhona vhana vho dala, vhanwe vho da na vhomme vhanwe na vhokhotsi avho.

Ho vha hu na goloi nnzhi na dzithekisi na bisi zwo disaho vhana tshikoloni.

Vhahulwane vho vha vha tshi khou ditshimbilela nga zwigwada vho takala.



Thanyani o vha sumbedza ofisi ya ṭho ho ya tshikolo, mme awe vha ṭu wa na N̄divho.

Vha tshi dzhena vha wana mufumakadzi mulapfu o dzula kha tshidulo tshi no mona.

Mme awe vha bvisa phindulo ye vha i wana ya u sumba uri n̄wana o ṭan ganedzwa.

Vho no i vhala vha ri N̄divho a sendele tsini vha mu vhudzise zwi n̄wenyana.

Vha tshi ralo N̄divho a pfa hu l̄a u tshuwa ha musi vhe n̄dilani hu tshi vhuya khae.

Matsina mbudziso dzo vha dzi dza madzina awe, a vhabebi vhawe na hune a dzula hone.



**DZINGAHE
PRIMARY
SCHOOL**



RECEPTION



Vha tshi bva ofisini ya tshikolo vha wana Thanyani o vha lindela henefho nnda.

A vha sumbedza ofisi ya muṅwaleli he vha swika vha badela tshelede ya mutendelo.

Mme awe vha tshi onesa, Ndivho o vha a tshi vho lilela u tuwanavho.

Thanyani a mu fhembeledza a mu sumbedza kilasi ine a do dzhena khayo.

O dovha a mu sumbedza-vho na kilasi ine ene Thanyani a dzhena khayo.



**DZINGAHE
PRIMARY
SCHOOL**



Ndivho o mbo di vhona vhañwe vhatukana
vhavhili vhe a dzhena navho khireshe.

O mbo di ya khavho vha thoma u amba nga u
hula na u naka ha tshikolo.

Vhothe vho sumba u tshi takalela ngauri tsho
vha tsho naka.

Vha tshi kha di amba vho takala, ha bvelela
vhatukana vhavhili vhahulwane khavho.

Vha vha vhudzisa madzina na hune vha bva
hone, vhone vha vha vhudza.

Vha thoma u vha kolela vha ri, “A si khireshe
hafha, ni songo takalela thungo.”



Tsimbi yo mbo di lila vhaḷa vhatukana na
vhatu vhoṭhe vha gidimela thabeloni.

Vho ya vha kuvhangana muṭani, phanda ha
ofisi ya ṭhoho yatshikolo.

Vhadededzi vho sumbedza vhana uri vha ime
nga miduba fhethu hu re namitalo.

Ho thoma ha imbiwa nyimbo mbili, ha vhaliwa
Bivhili ha kona urabeliwa.

Ṭhoho ya tshikolo vho ṭanganedza vhana
vhoṭhe, vha konou amba ndivhadzo.



“Tshikolo tshi dzhena nga hafu u bva kha iri ya sumbe ḍuvha ḷiñwe na ḷiñwe, hu songo vha na a no lenga.

Ni songo posa mabambiri fhasi, ni a pose ngomu dastibini uri dzharaṭa i dzule yo naka.

Ri tshimbila kha nḍila dzo tingedzwaho nga zwidina uri ri si kande hatsi na maluvha.

Hezwo zwi ḍo ita uri hatsi na maluvha ashu zwi dzule zwo naka misi yoṭhe.

Nga tshifhinga tsha u tamba ni ye u tambela mudavhini, hafhaḷaa!”

Aa

Bb


Cc

Dd

Ee

Ff

Gg



Nga murahu ha thabelo vhana vhothe vho ya
kilasini dzavho.

Hu tshimbilwa nga miduba nga u tou
sielisana, hu si na u gidima-gidima.

Ndivho a tshi swika kilasini yawe o wana hu si
na ane a mudivha.

O swika a dzula kha laini ya vhuvhili u
bva phanda o tungufhala, a tshi khou
rothisa mitodzi.

Muñwe mutukana mulapfu a da a dzula nae
a tshi khou mu kwengweledza.



CALENDAR



Nga murahu, mudededzi o mbo ɔi dzhena afho kilasini o fara bammbiri la madzina avho.

Mudededzi vha ri: “Kha fhumule nwananga, tshikolo tshi ɔo bva hu si kale, thiri!”

Nɔivho a tenda nga thoho a mbo ɔi fhumula a si tshalila.

Musi vho no vhalala madzina othe, mudededzi vho vha dzudza nga zwigwada-zwigwada.

Mudededzi avho ndi muthu wa vhutevheleli fhedzi vhe na vhulenda.

A vha sokou hamba vhana, vha tshi kaidza zwi a pfala uri a vha todi u tolou dovholola.



Mudededzi vho vhudza vhana uri vha do
diphina nga u guda.

Sa mudededzi, a vha takaleli vhana vha no
dzula nga u tamba fhedzi.

Vha do vha gudisa u vhala na u nwala,
nahone vhothe vha do zwi kona.

Vha do vha gudisa na dzinomboro uri vha
divhe tshivhalo tsha zwithu.

“Hu si kale ni do kona u vhala u bva kha 1 u
swika kha 20. A si zwavhudi?”

Vhana vha fhindula vha ri “Ee, ndi zwavhudi!”



Tsimbi yo ri u lila mudededzi vha rindi
tshifhinga tsha u ḽa na u awela.

Vhana vhoṭhe vho bvela nḽa, vho no ḽa vha
kona u tamba.

Nḽivho o dovha hafhu a ṭangana na dzḽa
khonani dzawe dza kale.

O ṭuwa nadzo a dzi sumbedza Maṭodzi, uḽa
ane a dzula nae kḽasini.

Ho mbo ḽi vha u wana khonani ntswa lwe
vhuṅa havho vha vho tamba vhoṭhe.



Tsimbi yo dovha ya lila vhoṭhe vha gidimela
kiḷasini dzavho.

Mudededzi vho vha ṅea bugu dzi re na
zwifanyiso zwa zwithu zwo fhambanaho.

Nga murahu vho vha ṅea penisela na
khirayoni vha ri vha ole na u pennda.

Zwifanyiso zwavho zwo dzhiwa zwa
nambatedzwa kha luvhondo.

Vhana vho takalela uri zwifanyiso zwavho
zwo ṭaniwa.



Tsimbi ya lila mudededzi vha ri ngudo dzo guma, vha do vhonana matshelo.

Ndivho a mbo gidimela kilasini ya Thanyani a ima muṅangoni.

A vhidzelela a ri, “Thanyani! tshikolo tsho bva, idani ri ye hayani!”

Kilasi yothe ya tou fa nga zwiseo, fhedzi mudededzi vha ri Thanyani a yo amba nae.

Hayani o zuwa zwa khonani yawe ntswa, na uri duvha heli a nga si li hangwe.

Thanyani a tshi amba zwa u vhidzelela hawe o vha a tshi mukanganyedza.

U DZHIELA NṚHA

Yo ṅwalwa nga
Maxwell N Mamathuba

Mufanisi
Ntibile Zonke

Mudzudzanyi 1
Pandelani Claudine Rambau

Mudzudzanyi 2
Mukondeleli Constance Nṅbahe

Mudzudzanyi 3
Ndivhuwo Mulaudzi

Muoli
PixelPing Design



ISBN 978-1-920702-17-5



basic education

Department:
Basic Education
REPUBLIC OF SOUTH AFRICA

